

## В ПОНЕДЕЛЬНИК 3-Й СЕДМИЦЫ ПО ПАСХЕ

### В НЕДЕЛЮ ВЕЧЕРА,

На Господи воззвах: поставим стихов 6, и поем стихиры праздника 3.

Стихиры праздника, глас 5-й:

Подобен: Радуйся постником:

**Г**воздьми пригвоздився, клятву юже на древе, Древом потребил еси: положив же Ся во гробе, яже от века мертвья Божественною силою воскресил еси, Твою силу велегласно славим: Пасха Божественная Иисусе Всесильне, Животе наш, Отчее сияние. Темже небесная с земными радуются, победныя песни Тебе победотворче Слове поюще, Христе Вседержителю, подающему миру велию милость.

**У**бо с мертвыми Живот, под землею же невечернее Солнце, еще и ныне есть, мироносиц лик рыдая вопияше: приидите тецем тщательно, и узрим у гроба святого. Внутри же сего блистающая ангела узревше, недоумеющися ужасохуся: иже преложив их рыдание, возопи: Жизнодавец воскресе, не ужасайтесь любочестнии, Той царствует, даруяй миру велию милость.

**Р**ано женский лик, прежде солнца, суцаго взыскаше Солнца, во гроб зашедшаго тогда, светозарный же тем провозглашаше ангел: возсия Свет, озаряяй во тме спящия, светозарным учеником возвестите: плач в радость преложите, Пасху же радостную и мироспасительную, несумненным сердцем плещуще ликуйте: Христос воскресе, даруяй миру велию милость.

И Миней 3. Слава и ныне: глас 1-й:

**М**ироносицы жены ко гробу что приидосте? что ищите живаго в мертвых? Воскресе Господь, дерзайте, вопиет ангел.

Таже: Свете тихий:

На стиховне стихира воскресна, глас 2-й:

**П**режде век от Отца рождшемуся Божию Слову, воплощшемуся от Девы Марии, приидите поклонимся: Крест бо претерпев, погребению предадеся, яко Сам восхоте: и воскрес из мертвых, спасе мя заблуждающаго человека.

Стих: К Тебе возведох очи мои:

**С**огреших к Тебе Спасе, яко блудный сын, приими мя Отче кающася, и помилуй мя Боже.

Стих: Помилуй нас Господи, помилуй нас:

**Мученичен:** Земнаго наслаждения не возлюбивши страстотерпцы, небесных благих сподобишася, и ангелом сограждане быша: Господи, молитвами их, помилуй и спаси нас.

Слава, и ныне: глас 1-й:

**С**о страхом приидоша жены на гроб, ароматы тело Твое помазати тщаяся: и сие не обретше, недоумеваяху друга ко друзей, не ведуще Воскресения. Но предста им ангел, и рече: воскрес Христос, даруяй нам велию милость.

**Таже, Н**ыне отпуцаеши: **Трисвятое. Тропарь, глас 2-й:**

**Б**лагообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай миру велию милость.

**Слава: глас тойже.**

**Е**гда снизшел еси к смерти, животе бессмертный, тогда ад умертвил еси блистанием Божества. Егда же и умершия от преисподних воскресил еси, вся силы небесныя взываху: Жизнодавче Христе Боже наш, слава Тебе.

**И ныне: глас тойже.**

**М**ироносицам женам, при гробе представ ангел вопияше: мира мертвым суть прилична, Христос же истления явился чуждь. Но возопийте: воскрес Господь, подай миру велию милость.

**Аще ли имать святей тропарь, глаголем прежде тропарь: Благообразный Иосиф: Слава: святого: И ныне: Мироносицам женам: [Тропарь: Благообразный Иосиф: и тропарь воскресен: Егда снизшел еси к смерти: в вечер глаголем их прменяюще, во всю седмицу, якоже и прежде о сем явлено есть.] И ектения, и отпуст. Служба же святого Минеи случившагося в сию Неделю, поется на Повечерии. По Трисвятом кондак един Троицы празднику. Сице глаголем даже и до Неделю всех святых.**

**И отпуст.**

## **В ПОНЕДЕЛЬНИК 3-Я СЕДМИЦЫ НА УТРЕНИ:**

Начало обычное, якоже указася в понедельник вторья седмицы по Пасце.

На **Бог** Господь: тропарь, глас 2-й:

**Б**лагообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай миру велию милость. [Дважды].

Слава: глас тойже.

**Е**гда снишел еси к смерти, животе безсмертный, тогда ад умертвил еси блистанием Божества. Егда же и умершия от преисподних воскресил еси, вся силы небесныя взываху: Жизнодавче Христе Боже наш, слава Тебе.

И ныне: глас тойже.

**М**ироносицам женам, при гробе представ ангел вопияше: мира мертвым суть прилична, Христос же истления явился чуждь. Но возопийте: воскресл Господь, подай миру велию милость.

Сице же глаголются тропари сия чрез всю седмицу. [Аще есть тропарь святого, глаголем тропарь прежде: Благообразный Иосиф: единожды. И тропарь: Егда снишел еси: единожды. Слава: святого: И ныне: Мироносицам женам:]

По 1-м стихословии седален, глас 2-й:

**К**амень гробный запечатати не возбранив, камень веры воскресый подал еси всем, Господи, слава Тебе.

Стих: Господи, да не яростию Твоею обличиши мене, ниже гневом Твоим накажеша мене.

**Я**ко волны морския востаха на мя беззакония моя, и яко корабль в пучине, аз един погружаюся согрешеньми многими: но в тихое пристанище настави мя Господи, покаянием, и спаси мя.

Стих: Дивен Бог во святых Своих, Бог Израилев.

**М**ученичен: Тебе одеющего небо облаки, имуще святии одеяние, в мире муки от беззаконных претерпеша, прелесть идольскую упраздниша. Тех молитвами и нас свободи от невидимаго врага Спасе, и спаси ны.

Слава, и ныне, Богородичен:

**Б**лагоутробия сущи источник, милости сподоби нас Богородице, призри на люди согрешившия, яви яко присно силу Твою: на Тя бо уповающе, радуйся, вопием Ти, якоже иногда Гавриил безплотных архистратиг.

По 2-м стихословии, седален, глас 2-й:

Подобен: Вышних ища:

**М**ира тепле гробу приносят жены Спасе, ангела светлостию души веселяху, и Бога Тя всех проповедаху, и учеником вопияху: воистинну воскресе из гроба всех Живот.

Слава, и ныне: тойже. И чтение.

Таже, Воскресение Христово: [единожды] Канон праздника со ирмосы на 8, и Минеи на 4. По 3-й песни, седален святого По 6-й песни кондак празднику: Радоватися мироносицам: И икос. И чем Пролог, ексапостиларии праздника: Слава, святого: И ныне: праздника.

Песнь 1. Глас 2-й:

**Ирмос:** Моисейскую песнь восприимши, возопий душе: Помощник и Покровитель бысть мне во спасение, Сей мой Бог, и прославлю Его.

**Р**аспялся еси плотию, безстрастный естеством Отчим: прободен был еси в ребра, источивый мируи кровь и воду: Ты Бог наш, и прославляем Тя.

**К**рест Твой почитаю, и погребение славлю Блаже, и пою, и покланяюся востанию Твоему, и взываю: Ты Бог наш, и прославляем Тя.

**А**ще и вкусил еси желчи, сладосте церковная, но источил еси нам нетление от ребр Твоих: Ты Бог наш, и прославляем Тя.

**В**менился еси Спасе с мертвыми, мертвья воздвигнувый, вкусил еси тли: исления бо всяко не познал еси: Ты Бог наш, и прославляем Тя.

**Д**а веселится Сион, да радуется и небо, воскресе Христос, мертвья воздвигнувый, песнословящия: Ты Бог наш, и прославляем Тя.

**П**лащаницами обвив Иосиф тело Твое Христе, во гробе нове положи Ты спасение: Ты же мертвья яко Бог воскресил еси.

**Слава:** Всесвятая Троице, едино Божество, безначальная Единице, Отче и Сыне и Божественный Душе, спасай мир: Ты Бог наш, и прославляем Тя.

**И ныне:** Древнюю клятву разрешивши Чистая, во утробе Твоей возростила еси нам благословение, Младенца родивши: Сей бо Бог, аще и плоть носит.

И святого Минея на 4.

Песнь 3.

**Ирмос:** Неплодствовавший мой ум, плодоносен Боже покажи ми, делателю добрых насадителю благих, благоутробием Твоим.

**Д**лани на Кресте простерл еси Иисусе, языки вся от прелести собрав, к познанию Твоему созвал еси Спасе.

**И**удейстии людие Пилату вопиют: отпусти нам злодейственного разбойника, возми, возми распни Безгрешнаго.

**Р**аспеншуся Тебе Христе, помрачися свет, земля потрясется, и из гробов мертвии востаща мнози, страхом державы Твоея.

**Предстоящи** Кресту Агница Твоя Иисусе, плачем вопияше: камо идеши Сыне? камо грядеши Агнче, за всех заклавыйся?

**Поклоняюся** Твоему Кресту, воспеваю и погребение, почитаю страсти, и гвоздя руку, и копие Иисусе, и Воскресение Твое.

**Воскресл** еси Иисусе, пленен бысть враг, Адам избавися, и Ева с ним от уз и тли, Воскресением Твоим.

**Слава: Со** Отцем и Сыну и Духу Правому, единому Естеству поклоняюся и воспеваю, Лицы разделяя, и Существом соединяя.

**И ныне Богородичен: Блаженна** еси Чистая, из корене Иессеова сущая, из негоже жезл и цвет Христа, по плоти нас ради возрастившая.

**И святаго Минея на 4.**

**По 3-й песни, седален и кондак святаго.**

**Песнь 4.**

**Ирмос: Еже** от Девы Твое рождество пророк предзря, воспроповедаше вопия: слух Твой услышах, и убояхся, яко от юга и из горы святых приосененных пришел еси Христе.

**Крестом** пленил еси адово чрево, и совоздвигл еси мертвые, и смерти разрушил еси мучительство: темже иже от Адама поклоняющиеся, поем погребение Твое и востание Христе.

**Благоволивый** Спасе наш, за благоутробие милости пригвоздитися на Кресте, и от праотчия избавити ны клятвы, разреши узы многих моих согрешений: можеш бо, елика хоцеш творити.

**На** Кресте пригвоздивый мою древнюю клятву, и источивый мне Спасе, благословение кровию от ребр Твоих, разреши узы многих моих согрешений: можеш бо, елика хоцеш творити.

**Ад** Спасе, срет Тя в преисподних, огорчися помышляя, яко яже древле пожрети возможий, ныне неволею отдав, истязуется в дольних, и пленяемь и обнажаемь бывает мертвых.

**Аще** и камень запечатася с кустодиею, о беззаконнии врази, но воскрес Господь, якоже прорече, разрешая узы многих моих согрешений: может бо, елика хоцет, творити.

**Воскресый** из гроба, и пленивый ада, и ожививый мертвые, и нетление источивый мне Твоим востанием, разреши узы многих моих согрешений: можеш бо, елика хоцеш творити.

**Слава: Пресущнаго** Божества нераздельную славу, кто возможет изрещи? Едино бо Естеством сущи Троица поется безначальная, срасленная яко Единица, в Троице певаемая Ипостасьми простыми.

**И ныне, Богородичен:** Во чрево Твое всельшагося безмужно рождающая Мати Дево Чистая, непрестанно моли яко Богородица, разрешити узы многих моих согрешений: можеш бо, елика хочеш помощи.

**И святаго Минея на 4.**

**Песнь 5.**

**Ирмос:** Мглу души мояя Спасе мой разгнав светом заповедей Твоих озари мя, яко един Царь мира.

**Т**ы первую одежду мою, юже ми истка, увы мне, сеятель греха, совлека еси Спасе мой, облекся в мя.

**Л**иствие смоковное спи мне грех мой, увы мне, не сохранившему, Спасе мой, пречистую заповедь Твою, змиинным советом.

**У**язвившуюся душу мою разбойническими помышленьми моими, представый иже от Марии, и елей возлияв, исцели Христос.

**У** Креста предстоящи Пречистая Богородица, матерски зываше: оставил Мя еси едину, о Сыне Мой и Боже!

**Т**ы злоначального змия оружием Креста Твоего низложив, Твоим востанием, сокрушил еси жало смерти Иисусе.

**Г**де твое, смерте, жало? где твоя, аде, победа? Адам да свопоет: сокрушился

**Слава:** Тебе Богу и Отцу, и Сыну, и Духу покланяюся, трем Ипостасем, и едино три верую, Существом единым.

**И ныне, Богородичен:** Тя безсеменным Рождеством родившую паче естества обновившаго естество, Христа единого Владыку воспеваем вернии.

**И святаго Минея на 4.**

**Песнь 6.**

**Ирмос:** Во глубине греховней содержимь есмь Спасе, и в пучине житейстей обуреваемь: но якоже Иону от зверя, и мене от страстей возведи, и спаси мя.

**М**ертв есть ад, дерзайте земнороднии, Христос бо на Древе висяй, верже оружие нань, и лежит мертв: яже бо имяше, пленися обнажився.

**П**ленися ад, дерзайте мертвии, и гроби отверзошася, востаните от ада, вопиет вам Христос, вся пришедый избавити от смерти и тли.

**М**ертвья якоже возмог пожерл еси иногда, ныне истязуемь аде, отдаждь Ми, вопиет тебе Жизнодавец и Бог, вся пришедый избавити от несытаго твоего чрева.

**Ж**ены мирносицы, что тщитесь прочее? что же живому мира приносите, воскресе Христос, якоже предрече. Да престанут ваша слезы, прешедшия на радость.

**П**лащаницею Тя Христе обвив Иосиф благообразный, во гробе положи: миропомазав же разоренный Твоего телесе храм, привали камень великий ко гробу.

**Г**осподь воскрес пленивый врага, и узники исторгнув, возведе вся, и первозданного Адама, того возставляя, яко Благоутробен и Человеколюбец Бог.

**Слава: Т**роицу во Единстве воспоим вернии, с Сыном Отца славяще, и Духа единосущна Сыну, и суща во Отце собезначального и присносущнаго Бога.

**И ныне, Богородичен: В**о чреве неводеланно зачала еси Чистая, нетления грозд, яко лоза: из неяже безсмертия токи, якоже вино нам источают вечную жизнь.

**И святого Минея на 4.**

**По 6-й песни кондак празднику: глас 2-й:**

**Р**адоватися мирноносицам повелел еси, плач праматере Евы утолил еси Воскресением Твоим Христе Боже, апостолом же Твоим проповедати повелел еси: Спас воскресе от гроба.

**Икос:**

**Н**а гроб Твой Спасе мирноносицы идущия, к себе недоумевахуся умом, и вещаху: кто нам камень отвалит гробный? И возревша видят, яко камень отвален бе, зраку же ангелову со одеянием дивляхуся: содержими же бяху трепетом, и бежати помышляху. и к ним юноша возопи: не бойтесь вы, Егоже ищите воста, приидите, видите место, идеже лежаше тело Иисусово, и скоро шедшия возвестите учеником: Спас воскресе от гроба.

**Песнь 7.**

**Ирмос: Х**ерувимы подражающе отроцы в пещи ликовствоваху, вопиюще: благословен еси Боже, яко истиною и судом навел еси сия вся, грех ради наших: препетый и препрославленный во вся веки.

**Т**ы яко Человеколюбец, хотяй вся спасти от прелести, яже создал еси, претерпел еси пригвоздиться на Кресте: да погребенный образ страстьми, сей плотию Твоею обновиши Спасе, и ад низложив, воскресил еси и умершия с Собою.

**Н**а Кресте возвышаемь, вся призвал еси к Себе Щедре, якоже обещал еси Блаже: яко воистинну вся сия грехов ради наших пострадати благоволил еси. Темже и разбойнику райская врата отверзл еси Спасе.

**Т**ы храм телесный воздвигл еси разоренный, тридневно из гроба, якоже обещал еси Блаже: да воистинну скажеши славу Твою, юже нам источаеши верою, узы разрешив, ихже держаше древле ад связанных.

**О** иудейское безумие! о неистовство беззаконных! Что неверное видевшие, не веровасте Христу? яко немощныя, не словом ли воздвиже? Или яко весь мир

Той не спасе ли, да уверяют вас поне воины, или воскресшие из мертвых.

**О** мертвевший стражие ныне да глаголют, како украден бысть, Егоже не видеша неразумнии всегда? Аще бо воскресша не видеша, ни ощутиша, како украдена Сего разумети можаху когда? Да уверит вы поне камень сей, и погребальная Христова.

**Что** яко мертва блюдете? что печати на камени положили еврею, страхом боящегося крадения? Се воистинну гроб запечатлесе: како убо воскресе, аще не бы Бог был Христос? Да уверяют вы воскресшии, и видени бывшии многими.

**Слава:** Со Отцем славим Сына, и Духа Святаго, вопиюще непрестанным гласом: Троице единственное Существо, помилуй, спаси вся, в трех Лицах Единице ущедри ны, препрославленный Боже во веки.

**И ныне, Богородичен:** Во чреве Твоем Пречистая, како вместила еси Младенца, Егоже трепещут силы ангельския яко Бога? Разве якоже восхоте, якоже весть вселися, вся спасти хотяй от Адама земнородныя, разрешивый Адама клятвы оныя, снедию горькою.

**И святаго Минея на 4.**

**Песнь 8.**

**Ирмос:** В купине Моисею Девы чудо, на Синайстей горе, прообразившаго иногда пойте, благословите и превозносите во вся веки.

**С**олнечныя зари спрятахуся страхом Христовых страданий, и востаяху мертвии, и горы прекланяхуся, и колебашеся земля, и ад обнажашеся.

**В** печи сущии иногда треблаженнии отроцы возвышающе руки, проображаху Блаже пречестный Крест Твой, имже низложил еси Христе вражию силу.

**О** иудее слепии прелестницы и преступницы, Христову Воскресению неверующии, яко ложному: что неверное видите, яко воскресе Христос, мертвыя воздвигий?

**О** иудее врази, аще и нам не веруете, ваша воины вы вопросите, что пострадала они? Кто отваливый руками камень от гроба?

**К**то просветивый слепцы, и прокаженныя очистивый, и хромыя исправивый, и пешествовавый море немокренно яко сушу, аще не Христос Бог, мертвыя воздвигнувый?

**К**то воздвигнувый мертва четверодневна из гроба, вдовича сына? кто стягнувый яко Бог разслаблена на одре, аще не Христос Бог, мертвыя воздвигнувый?

**Благословим Отца, и Сына, и Святаго Духа Господа.**

**Со** Отцем Сына, и Духа Святаго Святую Троицу в Божестве едином прославляем, вопиюще: Свят, Свят, Свят еси во веки.

**И ныне, Богородичен:** Во чреве Твоем Чистая, присноживотный хлеб, смешенный несмесно, смешением нашим, родила еси непреложно единого Христа Бога во двою существу.

**И святого Минея на 4.**

**Поем Честнейшую:**

**Песнь 9.**

**Ирмос:** Преестественно плотию заченшую во чреве, от Отца безлетно предвозсиявшее Слово, в песнях немолчных величаем вернии.

**И**же на Кресте разбойника познавша Тя Бога, наследника соделал еси мысленному раю, еже помяни мя вопоиоща, Всесильне Спасе.

**З**аушен нас ради, и оплеван был еси Иисусе от беззаконников, скрижали закона начертавый в Синаи, угоднику Моисею.

**О**цта и желчи Спасе, напоен был еси нас ради, давый нам тело и честную кровь, в снедь же и питие вечныя Твояя жизни.

**В** животворная ребра копием прободен быв Христе, пречистую Твою кровь, и честную воду источил еси миру, яко присноживотный источник.

**В**менился еси в мертвых, оживлей мертвыя: во гробе положен еси, истощивый гробы: пленил еси ад, воскресив Адама.

**В**оскресл еси Иисусе, связан бысть враг, пленился ад, испразднишася гроби, востаща дольнии, покланяющася Тебе Христе.

**Слава:** Безначален еси Отче, несозданен еси Сыне, сопрестолен и Душе Святой, едино [Сия три] Естеством, и три Лицы, едине Боже истинный.

**И ныне, Богородичен:** Да веселится Иессей, да ликовствует и Давид: се бо Дева Богорасленный жезл прозябе, цвет присноживотный Христа.

**И святого Минея на 4.**

**Катавасия:** Светися, светися

**Ексапостиларий мирноносцам:**

**Ж**ены услышите глас радования: мучителя ада поправый, от тли мир воздвиже, тещыте, другом рцыте Моим благовестия: хощу бо создание Свое радостию озарити, отонудуже прииде печаль. [Дважды.]

**Слава и ныне, тойже.**

**На хвалитех стихиры на 4, глас 2-й:**

**В**сякое дыхание и вся тварь, Тя славит Господи, яко Крестом смерть упразднил еси, да покажеша людем, еже из мертвых Твое Воскресение, яко един Человеколюбец. [Дважды.]

**С**одеянных мною лютых помышляя безместная, к Твоим прибегаю щедротам, мытаря подражая, и блудницу слезившую, и блудного сына. Темже и припадаю Ти Милостиве, прежде даже не осудиши мя, пощади мя Боже, и помилуй мя.

**З**а Христа пострадавшие даже до смерти, о страстотерпцы мученицы! Души убо имате на небесех в руке Божии, и по всему миру почитаются ваша мощи, священницы и царие кланяются, и людие вси веселятся, и мы обычно вопием: сон честный пред Господем смерть преподобных Его.

**Слава, и ныне: глас 2-й:**

**П**риидоша на гроб Магдалина, и другая Мариа ищуще Господа, и ангела видеша яко молнию сядяща на камени, и глаголюща им: что ищите живаго с мертвыми? воскресе, якоже рече: в Галилеи Его обрящете. К Нему же возопиим: воскресый из мертвых, Господи слава Тебе.

**Таже: Слава Тебе показавшему нам свет:**

**И ектения: Исполним утреннюю молитву нашу:**

**На стиховне стихиры праздника, глас 6-й:**

**Подобен: Трдневен:**

**Н**ачните людие псаломски, воспойте Христа с радостию: Пасха велия возсия нам, воскресый из гроба Христос Жизнодавец, и Избавитель всего создания.

**Стих: Благоволил еси Господи землю Твою, \* возвратил еси плен Иаковль.**

**Р**адоватися мирноносицам рек, Евино осуждение разрушив, и радость учеником воскрес посылаещи, проповедати еже из гроба тридневное Твое Воскресение.

**Стих: Милость и истина сретостеся, \* правда и мир облобызастеся.**

**П**асху честную и святую, Христос нам озари, приидите вси просветимся душами: се бо ныне день возсия, в сий радуйтесь и веселитесь.

**Слава и ныне: глас 2:**

**В**озлияша мира со слезами на гроб Твой жены, и исполнишася радости уста их, внегда глаголати: воскресе Господь.

**Таже, Благо есть исповедатися Господеви**

**Трисвятое. И по Отче наш:**

**Тропари праздника, глас 2-й:**

**Б**лагообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай миру велию милость.

Слава: глас тойже.

Егда снизшел еси к смерти, животе безсмертный, тогда ад умертвил еси блистанием Божества. Егда же и умершия от преисподних воскресил еси, вся силы небесныя взываху: Жизнодавче Христе Боже наш, слава Тебе.

И ныне: глас тойже.

Мироносицам женам, при гробе представ ангел вопияше: мира мертвым суть прилична, Христос же исления явися чуждь. Но возопийте: воскресе Господь, подай мирови велию милость.

Таже ектенія: Помилуй нас Боже:

Час 1. И отпуст.

## **В ПОНЕДЕЛЬНИК 3-Й СЕДМИЦЫ ПО ПАСХЕ НА ЛИТУРГИИ,**

На блаженных, песнь 1-я праздника, на 6.

**Р**аспялся еси плотию, безстрастный естеством Отчим: прободен был еси в ребра, источивый мирови кровь и воду: Ты Бог наш, и прославляем Тя.

**К**рест Твой почитаю, и погребение славлю Блаже, и пою, и покланяюся востанию Твоему, и взываю: Ты Бог наш, и прославляем Тя.

**А**ще и вкусил еси желчи, сладосте церковная, но источил еси нам нетление от ребр Твоих: Ты Бог наш, и прославляем Тя.

**В**менился еси Спасе с мертвыми, мертвья воздвигнувый, вкусил еси тли: исления бо всяко не познал еси: Ты Бог наш, и прославляем Тя.

**Слава:** Всесвятая Троице, едино Божество, безначальная Единице, Отче и Сыне и Божественный Душе, спасай мир: Ты Бог наш, и прославляем Тя.

**И ныне:** Древнюю клятву разрешивши Чистая, во утробе Твоей возрастила еси нам благословение, Младенца родивши: Сей бо Бог, аще и плоть носит.

По входе тропарь, глас 2-й:

**Б**лагообразный Иосиф, с Древа снем пречистое тело Твое, плащаницею чистою обвив, и вонями во гробе нове покрыв положи: но тридневен воскресл еси Господи, подай мирови велию милость.

И тропарь, глас 2-й:

**Е**гда снизшел еси к смерти, животе безсмертный, тогда ад умертвил еси блистанием Божества. Егда же и умершия от преисподних воскресил еси, вся силы небесныя взываху: Жизнодавче Христе Боже наш, слава Тебе.

И тропарь, глас 2-й:

**М**ироносицам женам, при гробе представ ангел вопияше: мира мертвым суть прилична, Христос же исления явися чуждь. Но возопийте: воскресе Господь, подай мирови велию милость.

**И храма святого:** И тропарь святого, аще есть. Аще ли будет и другого святого тропарь, то рцы его: таже кондак храма. Слава: святого. Аще ли будет и другого святого кондак, такожде рцы его.

И ныне: таже кондак праздника, глас 2-й:

**Р**адоватися мироносицам повелел еси, плач праматере Евы утолил еси Воскресением Твоим Христе Боже, апостолом же Твоим проповедати повелел еси: Спас воскресе от гроба.

Такожде глаголем тропари, по вся дни сея святыя седмицы, кроме святого полиелейнаго. Сице бывает служба вечер, и на Утрени, по вся дни сея седмицы.

Прокимен: Крепость моя и пение мое Господь, \* и бысть мне во спасение.

Стих: Наказуя наказа мя Господь, смерти же не предаде мя.

Апостол Деяний, зачало 17. [Деян. 6, 8 – 7, 5; 47 – 60.]

Во дни оны, Стефан исполнь веры и силы творяше знамения и чудеса велия в людех. Восташа же нецыи от сонма глаголемаго Ливертинска и Киринейска и Александрска, и иже от Киликии и Асии, стяжающиеся со Стефаном: И не можаху противустати премудрости и Духу, Имже глаголаше. Тогда подустипша мужы глаголюция, яко слышахом его глаголюща глаголы хулныя на Моисея и на Бога. Сподвигоша же люди и старцы и книжники, и нападше восхитипша его и приведоша на сонмище, Поставипша же свидетели ложны глаголюция, яко человек сей не престаает глаголы хулныя глаголя на место святое сие и закон: Слышахом бо его глаголюща, яко Иисус Назорей сей разорит место сие и изменит обычаи, яже предаде нам Моисей. И возревше нань вси сеद्याщии в сонмищи, видеша лице его яко лице ангела. Рече же архиерей: аще убо сия тако суть? Он же рече: мужие братие и отцы, послушайте. Бог славы явился отцу нашему Аврааму сущу в Месопотамии, прежде даже не вселитися ему в Харрань, И рече к нему: изыди от земли твоя и от рода твоего и от дому отца твоего, и прииди в землю, юже аще ти покажу. Тогда изшед от земли Халдейския, вселися в Харрань: и оттуду, по умертвии отца его, пресели его в землю сию, на нейже вы ныне живете, И не даде ему наследия в ней, ниже стопы ногу: и обеща дати ему ю во одержание и семени его по нем, не сущу ему чаду. Соломон же созда Ему храм. Но Вышний не в рукотворенных церквах живет, якоже пророк глаголет: Небо Мне престол есть, земля же подножие ногама Моима: кий храм созиждете Ми, глаголет Господь, или кое место покоищу Моему? Не рука ли Моя сотвори сия вся? Жестоковыйнии и необрезанныи сердца и ушесы, вы присно Духу Святому противитесь, якоже отцы ваши, тако и вы: Кого от пророк не изгнаша отцы ваши? И убиша предвозвестившия о пришествии Праведнаго, Егоже вы ныне предатели и убийцы бысте, Иже приясте закон устройением ангелским и не сохранисте. Слышаще же сия, распыхахуся сердца своими и скрежетаху зубы нань. Стефан же сый исполнь Духа Свята, возрев на небо, виде славу Божию и Иисуса стояща о десную Бога, И рече: се, вижу небеса отверста и Сына Человеча о десную стояща Бога. Возопивше же гласом велиим, затыкаху уши свои и устремишася единодушно нань, И изведше вне града, камением побиваху его: и свидетелие (снемше) ризы своя положиша при ногу юноши нарицаемаго Савла, И камением побиваху Стефана, молящася и глаголюща: Господи Иисусе, приими дух мой. Преклонь же колена, возопи гласом велиим: Господи, не постави им греха сего. И сия рек успе.

**Аллилуиа:** Услышит тя Господь в день печали, защитит тя Имя Бога Иаковля.

**Стих:** Господи спаси царя, и услыши ны, воньже аще день призовем Тя.

**Евагелие Иоанна, зачало 13. [Ин. 4, 46 – 54.]**

**В**о время оно, бе некий царев муж, егоже сын боляше в Капернауме. Сей слышав, яко Иисус прииде от Иудеи в Галилею, иде к Нему и моляше Его, да снидет и изцелит сына его: имеяше бо умрети. Рече убо Иисус к нему: аще знамении и чудес не видите, не имате веровати. Глагола к Нему царев муж: Господи, сниди, прежде даже не умрет отроча мое. Глагола ему Иисус: иди, сын твой жив есть. И верова человек словеси, еже рече ему Иисус, и идяше. Абие же входящу ему, (се,) раби его сретоша его, и возвестиша (ему), глаголюще, яко сын твой жив есть. Вопрошаше убо от них о часе, в который легчае ему бысть, и реща ему, яко вчера в час седмый остави его огонь. Разуме же отец, яко той бе час, в оньже рече ему Иисус, яко сын твой жив есть: и верова сам и весь дом его. Сие паки второе знамение сотвори Иисус, пришед от Иудеи в Галилею.

**Вместо же Достойно, поем:**

**Ирмос:** Ангел вопияше Благодатней: Чистая Дево радуйся, и паки реку, радуйся: Твой Сын воскресе тридневен от гроба, и мертвыя воздвигнувый: людие веселитесь. Светися, светися, новый Иерусалиме: слава бо Господня на тебе возсия, ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

**Причастный:** Хвалите Господа с Небес, хвалите Его в Вышних.  
**Аллилуиа, [трижды]**